



bevaring av
VAKSDALS**VASSDRAGET**

Tvesporvegen 42
5725 Vaksdal

Kontaktperson:
Linda Lien

e-post: lindahlien@gmail.com
mobiltlf. 98 03 33 12

Vaksdal kommune
ved formannskap/plan- og økonomiutval
Konsul Jepsensveg 16
5722 Dalekvam

28. september 2015

Bevaring av Vaksdalsvassdraget ber om ny handsaming av søknaden frå Boge kraft

Bevaring av Vaksdalsvassdraget ber formannskapet / plan- og økonomiutvalet i Vaksdal om å handsama søknaden frå Boge kraft om vidare utbygging av Boge vassdraget på nytt. Me ber om at saka vert lagt fram for kommunestyret.

17. august i år valde formannskapet / plan- og økonomiutvalet å sjå vekk frå tilråding frå rådmann/administrasjon, og også å gå mot eit tidlegare vedtak i kommunestyret frå mai same år, då dei rådde til at det vert gjeve konsesjon for Boge 3 kraftverk.

Det er uforståeleg og vert opplevd som udemokratisk at ei omstridd utbyggingssak vert handsama utan moglegheit for debatt i eit breitt samansett kommunestyre, og utan at bygdefolket er førebudde på ei endring i tidlegare vedtak. Av kommunens postliste ser det ut som Boge krafts anmodning om ny handsaming er registrert mottatt 21. juni, dagen før vårens siste kommunestyremøte. Dersom dette var for kort tid til å handsama anmodinga, burde ho vore lagt fram under neste kommunestyremøte.

Rådmann var klar i si innstilling, og råda formannskapet til å kun ta brevet til orientering. Av saksframlegget går det fram at Boge krafts anmodning om ny handsaming i praksis berre er ei presisering basert på kjente opplysningar i den opprinnelege konsesjonssøknaden. Dei negative effektane for natur og friluftsliv vert som før.

Området som vert råka er eit av dei vakraste i Vaksdalsfjella, og mykje nytta til rekreasjon. Folketalsvekst er ei av dei største utfordringane for Vaksdal kommune, og naturkvalitetane, saman med gode oppvekst- og bomiljø, og nærleik til Bergen, er blant dei sterkaste argumenta for å få nyttilflyttarar til å etablere seg her. Det er viktig å ha tydelege politikarar som signaliserer at dei ser og verdset naturverdiane, også når dei er på kollisjonskurs med private økonomiske interesser.

Rådmannen konkluderer med at endringa i konsesjonssøknaden ikkje er vesentleg, og at det ikkje vert lagt fram ny informasjon. Det er gjort ein endring:

Vegen langs Bogevatnet fram til kraftstasjonen vert senka under sumarsesongens lågaste regulerte vasstand (LRV), som er 1 meter under høgste regulerte vasstand (HR)V. I konsesjonssøknaden som vart handsama i kommunestyret 4. mai var vegen lagt 0,1 m under HRV.

Fråføring av vassføring til Vaksdalsvassdraget utgjer 21% nær Svartavatn. Dette er betydeleg, og vil forringa dei estetiske kvalitetane i området.

Allereie i 1993 uttalte formannskapet i Vaksdal i samband med utbyggingsplanar for Hesjedalsvassdraget at det meste av vassressursane i kommunen var utbygd, og at kommunen sitt bidrag til fellesskapet såleis var stort, men belastande for eigne nærområde.

I 2002 gjekk formannskapet inn for å oppretthalda vedtaket frå 1993, då sak om supplering av verneplan for vassdrag var oppe til handsaming. Formannskapet var framsynte, og politikarane i Vaksdal sitt syn er viktig.

Fylkesmannen i Hordaland gjekk i mars i år mot bygging av kraftverket Boge 3, og uttalte:

Utbyggingsområdet ligg over tregrensa i ein sårbar og verdifull høgfjellsnatur. Utbygginga vil påverke landskaps- og opplevingsverdiar negativt. Fylkesmannen viser til samla belastning i området og rår frå prosjektet.

Kommunestyret i Vaksdal har så seint som i mai i år gått imot planane, det same har Bevaring av Vaksdalsvassdraget og fleire andre interessentar som har uttalt seg under den opne høyringsrunden.

Me ber om at konsesjonssøknaden vert lagt fram til ny handsaming. Dersom Boge 3 mot formoding skulle bli realisert, vil formannskap / plan- og økonomival for ettertida vera tend med at utbyggingsprosessen vart oppfatta som open og grundig.

For Bevaring av Vaksdalsvassdraget

Dag Henry Nilsen, Kjell Erstad, Linda Lien, Nils Henry Nilsen og Trine Simmenes